

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj 7/10), a u vezi sa članom 112, stav 2. Poslovnika Skupštine Zeničko-dobojskog kantona – Novi prečišćeni tekst (“Službene novine Zeničko-dobojskog kantona”, broj 7/12 i 12/13), razmatrajući Inicijativu poslanice u Skupštini Zeničko-dobojskog kantona Meldine Ugarak za donošenje Zakona o izmjenama i dopunama Zakona o socijalnoj zaštiti, zaštiti civilnih žrtava rata i zaštiti porodice sa djecom (“Službene novine Zeničko-dobojskog kantona”, broj 13/07 i 13/11), na prijedlog Ministarstva za rad, socijalnu politiku i izbjeglice, Vlada Zeničko-dobojskog kantona, na 193. sjednici, održanoj dana 26.11.2014. godine, d o n o s i

ZAKLJUČAK

I.

Prihvata se mišljenje Ministarstva za rad, socijalnu politiku i izbjeglice da po predloženoj Inicijativi poslanice u Skupštini Zeničko-dobojskog kantona Meldine Ugarak, nema potrebe donositi Zakon o izmjenama i dopunama Zakona o socijalnoj zaštiti, zaštiti civilnih žrtava rata i zaštiti porodice sa djecom (“Službene novine Zeničko-dobojskog kantona”, broj: 13/07 i 13/11).

II.

Stav Vlade Zeničko-dobojskog kantona iz tačke I ovog zaključka upućuje se Skupštini Zeničko-dobojskog kantona.

III.

Zaključak stupa na snagu danom donošenja.

Broj: 02-_____/14.
Datum, 26.11.2014. godine
Z e n i c a

PREMIJER

Munib Husejnagić, dipl. ing.maš.

DOSTAVLJENO:

1x Ministarstvo za rad, socijalnu politiku i izbjeglice,
1x Stručna služba Skupštine Zeničko-dobojskog kantona,
1x a/a.

Obrazloženje

Pravni osnov:

Pravni osnov za donošenje ovog Zaključka sadržan je u članu 16. stav 4. Zakona o Vladi Zeničko-dobojskog kantona – Prečišćeni tekst (Službene novine Zeničko-dobojskog kantona”, broj: 7/10).

Razlozi za donošenje zaključka:

Stručna služba Skupštine Zeničko-dobojskog kantona je aktom, broj: 01-02-14826-1/14 od 23.07.2014. godine, u skladu sa članom 112., stav 1. Poslovnika Skupštine Zeničko-dobojskog kantona – Novi prečišćeni tekst (“Službene novine Zeničko-dobojskog kantona”, broj: 7/12 i 12/13), dostavila na mišljenje Inicijativu poslanice u Skupštini Zeničko-dobojskog kantona Meldine Ugarak, da se donese Zakona o izmjenama i dopunama Zakona o socijalnoj zaštiti, zaštiti civilnih žrtava rata i zaštiti porodice sa djecom (“Službene novine Zeničko-dobojskog kantona”, broj: 13/07 i 13/11). Ovo Ministarstvo je sačinilo mišljenje na navedenu inicijativu i u međuvremenu je zaprimlo prosljeđeni akt od Stručne službe Skupštine Zeničko-dobojskog kantona, broj: 01-02-14826-2/14 od 01.10.2014. godine, kojim se traži Urgencija mišljenja po Inicijativi za donošenje Zakona o izmjenama i dopunama Zakona o socijalnoj zaštiti, zaštiti civilnih žrtava rata i zaštiti porodice sa djecom (“Službene novine Zeničko-dobojskog kantona”, broj: 13/07 i 13/11). Obzirom da je Ministarstvo za rad, socijalnu politiku i izbjeglice kao resorno ministarstvo sačinilo mišljenje na navedenu inicijativu, to se predlaže usvajanje zaključka.

Finansijska sredstva:

Za donošenje i provođenje ovog Zaključka nisu potrebna finansijska sredstva.

Zenica, 21.novembar 2014. godine

**Ministarstvo za rad,
socijalnu politiku i izbjeglice**

M I N I S T A R

Ivica Ćurić



ZENIČKO-DOBOJSKI KANTON
VLADA

n/r Premijera
n/r Sekretara

Broj: 09-02-14826-1/14
Zenica, 09.10.2014. godine

PREDMET: Mišljenje na poslaničku inicijativu poslanice Meldine Ugarak, dostavlja se

Stručna služba Skupštine Zeničko-dobojskog kantona je aktom broj: 01-02-14826-1/14 od 23.07.2014. godine, ovom Ministarstvu uputila dopis za dostavu odgovora na poslaničku inicijativu poslanice Meldine Ugarak koju je podnijela 23.07.2014. godine, a odnosi se na donošenje Zakona o izmjenama i dopunama Zakona o socijalnoj zaštiti, zaštiti civilnih žrtava rata i zaštiti porodice sa djecom („Službene novine Zeničko-dobojskog kantona“, broj 13/07 i 13/11).

Vezano za ovu poslaničku inicijativu, Ministarstvo za rad, socijalnu politiku i izbjeglice daje sljedeće mišljenje:

Stav ovog Ministarstva ja da po predloženoj inicijativi nema potrebe donositi izmjene i dopune Zakona o socijalnoj zaštiti, zaštiti civilnih žrtava rata i zaštiti porodice sa djecom („Službene novine Zeničko-dobojskog kantona“, broj 13/07 i 13/11).

Naime, u članu 11. stav (1) Zakona o socijalnoj zaštiti, zaštiti civilnih žrtava rata i zaštiti porodice sa djecom („Službene novine Zeničko-dobojskog kantona“, broj 13/07 i 13/11- u daljem tekstu: Kantonalni zakon) propisano je jedanaest kategorija korisnika socijalne zaštite, odnosno lica koja se nalaze u stanju socijalne potrebe i u tački (j) navedena je kategorija lica i porodice u stanju socijalne potrebe, kojima je usljed posebnih okolnosti potreban odgovarajući oblik socijalne zaštite, na osnovu čega samohrane majke – roditelji ukoliko su u stanju socijalne potrebe mogu ostvarivati utvrđena prava iz socijalne zaštite. Također, u stavu (2) ovog člana navedeno je da se propisom općine može proširiti krug korisnika socijalne zaštite iz stava (1) ovog člana u skladu sa programima, odnosno planovima razvoja socijalne zaštite, specifičnim prilikama i potrebama.

Predložena dopuna člana 21. Kantonalnog zakona je nejasna i neprecizna, dok je dio koji se odnosi na visinu primanja samohranih majki – roditelja i drugih kategorija socijalne i dječije zaštite propisan u Kantonalnom zakonu, i to za svako od utvrđenih prava. Prijedlog za utvrđivanje cenzusa za ostvarivanje prava u visini do prosječne neto plaće u Zeničko-dobojskom kantonu u predhodnoj godini je nerealan, jer samohrane majke – roditelji mogu istovremeno ostvarivati više prava iz socijalne i dječije zaštite što bi dodatno uvelo izdvajanje sredstava iz Budžeta Zeničko-dobojskog kantona.

Prijedlog da se samohranim majkama – roditeljima predvidi pravo na naknadu troškove za čuvanje djeteta u obdaništu/vrtiću već je propisan Kantonalnim zakonom kao jedno od osnovnih prava porodice sa djecom, te u skladu sa članom 152. Kantonalnog zakona ovo pravo se finansira iz budžeta općina.

Prijedlog da se za samohranog roditelja predvidi i pravo na ortopetski dodatak za njegovo dijete je već regulisano i propisano Zakonom o osnovama socijalne zaštite, zaštite civilnih žrtava rata i zaštite porodice sa djecom („Službene novine Federacije BiH“, broj 54/04, 39/06 i 14/09) u potpoglavlju 2.a pod nazivom “Osnovna prava lica sa invaliditetom” i potpoglavlju 2.b pod nazivom “Postupak za ostvarivanje osnovnih prava lica sa invaliditetom”.

S poštovanjem!

Dostavljeno:

1x Naslovu

1x a/a

MINISTAR

Ivica Ćurić